

忠雅堂文集

忠雅堂文集卷二十五

詩二十五

鉛山 蔣士銓 心餘

二月上丁太學分獻禮成恭紀三首

巳亥

古栢陰屯曉霧籠祠官班肅 聖人宮崔嵬殿陛元時啟美富  
彝章 盛代崇三獻升堂分揖拜六成張樂記初終兩楹坐奠  
尊親極萬古斯文祀典同

相公主祭領班聯佐以資深兩翰編分獻東西瞻六哲共司籩  
豆邇諸賢登堂師道容長揖備數詞林許竝肩欣向几筵觀法  
物更從鐘磬識 宮懸 凡丁祭禮部以非祭官上請 欽命大學士行禮著領翰林  
官二員分獻十二哲衙門例派未開坊資深者二人往襄其  
事時則上命協辦大學士尚書英廉行禮翰林則士銓與蕭際韶編修

廿二年前釋褐來題名碑已長新苔重捫石鼓腰圍篆又見先

儒手植槐

藝倫堂西古槐為元儒許魯手植

廣廈羅居觀國彥

雍正中建南學移居此處諸生都負

出羣材

熙朝養士恩難報第一宮牆北斗魁

雪浪石盆銘拓本用東坡雪浪石韻

宛如兵散留空屯觀壘已識將軍尊中山奇石我未見月暈不  
許元雲昏當時注水養靈岫隱立隄岸圍江邨勒銘周遭等聲  
鑑首尾難覓璇璣門煙煤蟬翼看搨本似隔綃帳延香魂放之  
竊比洞庭闊白銀盤插君山根曲陽之石本如玉捶字反變黑  
白痕還珠買匱亦偶爾九華壺失休共論仇池疑避畫馬去壁  
上倒挂高驪盆中央請納雪浪搨庶幾圈內心常存

次韻答陳理堂

贊

學道遠祿仕致身習詞章大估樂費厚良農慮年荒人品判貴  
賤物性殊陰陽眼失江海闊坐倚鐙燭光猥辱佳句新擺落天  
風琅數典異獺祭櫛語排燕頰嗟子桓山禽竊附丹穴鳳游

循舊塗。飢雀翔空倉。匝月夫婦病盡室。烏鼠藏一官等化。僑衆  
雖惜分張。謝客絕請謁。擇交視葬。常在昔重曾。閔舉世誇班揚。  
轉輪但求膏。結網當尋綱。兀兀醒復睡。泔泔縣與鄉。貌枯豈能  
腴。身弱不得強。以此避輕儼。有時延老蒼。經旬蠹壁戶。終日錐  
處囊。苦掩左右荷。怕聽參差簧。周旋難爲懷。寂寞不自量。可憐  
血月軀。終老妻子旁。君顏比冠玉。才筆如凝霜。造語賤平淡。躍  
紙爭軒昂。出與勇夫戰。足令老輩僵。熙朝盛文雅。  
聖主垂衣裳。拔萃開古科。論秀登其良。獻茲瓊與琮。襲以錦與  
綉。當陳龜鑑文。一發經傳香。

送王琴德廷尉假還三首

幾年八座捧安輿。馨膳南陔奉起居。請急許歸于定國。臨歧同  
祖路。溫舒春暉正永。仍將母官舫。無多半載書。跌指漁莊煙水。

闕九峰青又到吾廬

河山遮護漆燈明封樹焚黃禮竝成天以佳城藏長者人誇孝  
子名卿圖書雞犬偕安吉父老桑麻說太平暇日花前展棋  
局定知談笑一論兵

酒綠燈紅老弟兄懷人感舊不勝情春江舫載桃根返湯餅筵  
將驩子生初服未容桑苧隱明年應盼翠華迎文園近日知  
無病相見都難說宦成

謂王周木給諫

王樓邨十三本梅花書屋圖爲王少林郡丞作

先生本是梅花仙偶然遊戲來人間百花頭上自開放鐵骨不  
受春風憐齒香曾食羅浮果夢裏不知花是我一樹梅花一放  
翁化十三身香雪裹離離梅子縣羊珠飢時咲持癡龍須調羹  
未許作宰相畫餅且復煩鴻臚醒來依舊墮人海那得青山用

錢買清芬留與故家傳妙理何須鈍根解君不見乞祠多住  
誠園贖居或累公家錢生香不斷垂陰廣豈在區區屋數椽

題吳蓮洋遺像三首

隱居中條南埋骨華山東留此卷中影是爲河上公  
鄉人鍤遺編又復藏畫像後生對前賢相與觀所向  
欲鞭坐下石化作桃花魚遊戲真崑崙水一咲翻禹書

臥松

久臥空山中欠伸勢欲起可憐磊砢身冰霜不能死無心弄波  
濤天風自行止作花老未能低頭看松子

陳生

鳳翔

竹香讀書圖三首

憐君懷餅尙抄書絕好溪山那得居小試他年修史筆未煩鄉  
夢繞田廬

康齋八歲入神京刻苦終能正學成  
咲指家山讀書地騎魚栽  
玉媿儒生

袞巷無恙仰前賢畫出三山小  
隱年華葢山頭有佳氣草廬而  
後孰隨肩

補題吳鑑南蘇門聽泉舊圖卽當挽歌三首

未許將身刺澧州麻衣講學小  
淹留歸尋蕞嶺欣同調跡指蘇  
門述紀游聽水君曾身入畫披圖  
我忽涕橫流須看猶是挑燈  
夕至樂無因語嚮嚮

生將忠孝發孤吟死遂文章報國心  
徼外未容詞客葬旄頭也  
逐將星沈據鞍枉自看長劍斂骨焉  
能得正衾殺賊從軍有人  
在可憐天意促陳琳

終老行窩計未非書生忽漫着戎衣  
花雲子已邀餘蔭共伯妻

難免半飢郵後福傳風義古

謂朱介山觀察

招魂應感嘯聲微  
嵩雲飛盡

山泉寂誰見中原蜀魄歸

二月二十六日英竹井院長招同嵇拙修錢籟石兩先生施耦堂侍御余秋室吳穀人兩編修集檀藥艸堂海

棠花下作三首

一丈方壺湧幔城當春嘉會擬飛英  
八千歲樹先生健四十年  
花老眼明臉暈半遮迴  
笑靨睡情猶帶隔宵醒  
枝枝出自調元手  
真見天姿富貴成

未須騎馬碧雞坊  
翠鬋依稀染御香  
多葉舊稱花戚里  
新紅還試舞衣裳  
相公詩好憑消受  
酒客頻過盡老蒼  
我似丁香第  
三樹肩隨初倚丈人行

花背簾櫳覺更深  
酒痕都漬隔年襟  
陽和貯客留春宴  
風日憐



公種樹心蔭借芳叢空讀畫人低鬢影欲彈琴不看門外雙藤  
倚苑入仙巢坐茂林

明江德甫九峯三泖讀書圖是沈士充筆爲施耦堂題  
雲間九仙妙妝梳三鏡轉側燈鬢俱臥嵩立華青有無展湘翻  
渤雲卷舒魚莊蟹舍蝸牛廬樵者自樵漁者漁有人擇地來讀  
書其友濡毫爲寫圖晴嵐美蔭闢戶牖草甫逢掖聲伊唔主人  
江德甫畫師沈士充不知其人視所友歛產自是黃山松所交  
程孟陽題跋李流芳來往五茸戲煙水俯仰二陸同徜徉我友  
施君昔住蓴鱸鄉每欲翦取吳淞江流傳忽得昔人卷把玩似  
築名山堂許詢房琯各有前後世揚雄庾信未隔東西牆江山  
勝處足縈惹君本當年讀書者塔影鐘聲記往時酒人詞客思  
前社君不見陸燿王昶新着薜蘿衣扁舟奉母連檣歸方伯頭

衝換茅屋廷尉手版投漁磯杭州越州山水窟水色山光相鬪  
坳他日如蒙賜鑑湖老抱遺經身其乞

耦堂藏婦翁吳雪舟黃山歸老圖屬題

灘迎雀舫全家住纜異名輜一綫牽不盡天都寫巖瀨休疑退  
鷓逐飛鳶林招倦鳥翁知止山抹微雲壻竝傳頭白眼花婚宦  
裏幾人容易賦歸田

法源寺壘前韻寄竹井院長三首

巧匠將歸善見城祇林春滿綴紅英脂凝雨逐天花聚盤轉珠  
隨綵樹明淨域能延諸品壽妙香應解衆生醒不須更喫鑑邊  
芋他日知誰宦業成

平泉昨宴杏花坊又訪昌州第一香蓮社欲邀劉白墮曇僧爭  
問杜黃裳題詩未要籠紗碧得酒無煩感鬢蒼公肯重來留醉

墨願箋蛇蚓兩三行

斜陽弔古獨情深結習人偏有素襟血化蒼苔留戰骨魂招飢  
鶴見臣心忘言莊叟都成蝶會意昭文豈在琴能便偷閒卽仙  
侶況于城市得山林

集韓石先生獨樹堂次竹井院長韻二首

麥苗風漸換輕寒閣老飛觴興未闌賓席禮因文字簡餅花顏  
對相公歡支頤笏版參差放到手觥船一再拌三雅無譁徵酒  
德先生含笑每旁觀

耆舊盟深本不寒留春生怕衆芳闌交醇似酒存真味樹老于  
人結古歡每羨飛揚高興在卻憐樗散此身拌知公佛眼歸平  
等諸相當前一樣觀

論書一首題梅庾山德臨摹册子後

晉人立楷法安和而靜厚右軍聖之時庶幾仁者壽虞褚同顏  
曾師承慎其守李邕事蹶張矜怒斯可愧平原乃端人剛正實  
無耦唐賢尚勇敢豪傑起歐柳紛紛出變相古法漸烏有吁嗟  
宋四家私淑先賢後譬諸漢唐儒終未見魯叟端明獨馴謹養  
氣賤賈黜雅穆存容儀得謗等新婦雌黃論難憑好惡各滕口  
吳興失大節姿媚啟疵垢真本豈不佳贗鼎若芻狗妾婦效柔  
順但可執箕帚矯枉成狂僞市井復尅尅肥瘠等習氣勢力相  
勝負碑版任充塞傳者定誰某梅君烏衣彥敏妙臨池手小就  
鋒尉閒有譽自无咎學書貴讀書真積力漸久黜黜旣已深醞  
釀得醇酒始免形骸累不爲習俗誘古云人品高翰墨能不朽  
京卜彼如何雖工亦奚取

與南亭舍人話舊五首

送君天台游小別忽九載每懷孝弟人竊懼鬢眉改緇塵繾綣  
仍宣髮依稀在意氣逾壯盛標韻益瀟灑酒銜杯指風雲放論決  
江海五十服官政曹郎秩猶待寂寂亦久安雖貧遠危殆

持被掌天庾東郭三年居聚米成邱陵鼓腹歡有餘飢人對飯  
饜快意聊斯須太倉積紅腐雀鼠皆侏儒可憐東方生裹飯尋  
子輿攢眉計瓜期炊煙散行廚

政府重圖籍惟賢資典守老矣中書君在官祿實久省吏抱文  
書判押不去手君治事輒理寅入歸則酉無僕司米鹽無婢職  
井臼賓客屢常滿咄嗟具簋缶夜闌掩魚扉寂算到雞狗富貴  
不可期蕭條亦何有

賃宅南柳巷默撫無絃琴牧犢感飛雉傷哉幽獨心願茲蝸牛  
廬塗墜無黃金眷社開簾櫳梁有同栖禽延津失兩劍盡篋遺

雙簪冷月度深院  
淒風襲孤衾  
茂陵買新歡  
頭白無人吟  
馬狗車雞栖  
笑訪同年生  
昔共直中書  
長歌少年行  
奄忽廿五載  
豈惟人事更  
戲場搏傀儡  
楸枰較輸贏  
共欣壽命長  
敢希仕宦成  
居易倚定力  
一洗恒人情  
得志豈無爲  
不得理亦平  
讀書飲醇醪  
勿復計枯榮

澄懷園信宿偶作三首

廿五年前下第時  
堂東曾掩校書帷

甲戌四月注松泉尚書延在廣其軒校勘奉勅新寫文選懷珍小本

軒燬後更新墅  
喬木看來似舊知  
鷗鷺波尋通  
岸轉薜蘿門  
認幾家移仙源  
盡放經師席  
還許漁郎倚  
權窺

銜尾巾車假館相  
水邊林下共迴翔  
一時訪舊爭陳榻  
三宿論文罷裹糧  
囊筆知誰才力大  
乘槎遙盼使星光  
據鞍自笑廉頗老  
頭白重經古戰場

鐙前頻舉故人杯，絕倒秋風鈍秀才。  
弓燥久慙猿臂弱，鼓衰驚逐敗軍回。  
重餐夏令三升墨，又撥寒鑪一夜灰。  
深感前賢相問慰，螫蟲原自遠春雷。

送吳香亭太常赴承德府學襄釋菜大禮二首

天子將爲釋奠行，八騶先遣太常卿。  
風移禮讓同綿蕞，地有絃歌似武城。  
樂舞舊隨吳季札，祠官新導魯諸生。  
欣看紫塞羣山拱，都與宮牆萬仞平。

巍峩新廟對離宮，郡縣規模百雉崇。  
已讀

皇文踰魯頌

御製熱河文廟記

更煩臣筆注檀弓，山川淳樸提封古。兵食

豐饒甸衛雄，免著戎衣陪羽獵。邊人爭認叔孫通。

贈李恕齋中丞二首

質樸衣冠古大臣，依然琴鶴守清貧。  
舉朝樸楷爲君子，重地封

疆要正人致用惟憑經世學匡時猶是讀書身平生纔識荊州  
面敢說交情淡始真

鄉山何處有香廬親見花洲賃宅居吏術追隨西漢後詩篇傳  
誦盛唐餘籌邊鎮定三言訓任事從容一卷書局外關心還問  
訊衡湘米價近何如

題東坡定惠院月夜偶出二詩  
艸彙後卽用元韻二首  
栖栖未徙臨皋居涼涼獨寫清游夜蠶食桑葉忽聲停雲抹山  
痕出手下知公用才如服氣數轉河車防直瀉疊字塗來烏擇  
栖成行竄去花偷亞有丹換骨肯待時持壘易田寧許借杜門  
疏食正省愆投野全生曾報謝安貧自用畫叉錢學道將移天  
慶舍迴思獲譴同累丸時欲殺公如斷蕨門前江近風浪驚井  
底泥深餅硬怕舊彙纔焚新彙成可憐拌受妻孥罵



後起高述書亂真絕勝懷琳摹叔夜覃溪卧筆壓趙董郭昇吳  
翹等中下松筋鶴骨腕底出墨雨鋒雲指尖瀉假觀此彙得臨  
本不見原書敢云亞臨川婺女昔收弄幸未逢君相乞借我欲  
遮留不遣還肉袒慙無十城謝巧偷豪奪漫周防寶物闕人如  
傳舍輸君現在不放過若挽強弓摧立蔗倘煩妙手狀美惡臨  
淵定使江神怕題之竊懼遭點污倖免桓家寒具罵

前韻再題二首

志墓新持乳母喪對牀遠憶筠州夜可憐吹笛黃樓中何若牽  
船赤壁下咲公扁鑰文字口不免漏卮時一瀉論事惟憑正氣  
爭相傾半屬交游亞甌經墮地誰復惜箭已在弦那可借荀香  
魚美謫居宜柳弱梅殘詩筆謝偶遺結句龍匿尾倒換中聯星  
改舍平生讀書鹽入水偶爾揮豪儲出蕨岐亭懈賤老饕喜焚

口酒酸漿飲怕今年換武作團練一咲休辭灌夫罵

黃泥坂詞藁已失不省黃州醉時移居新婦舊巢痕買牛甘  
老東坡下雜花并雨雨中媚暗并消消艸根寫峨眉雪消江水  
來千里蕁羹鄉味亞春宵偶出踏明月扶老一枝雙不借歸哦  
秀句倚朝雲釵腳頻挑玉蟲謝文詞在世神附影墨迹傳摹胎  
奪舍蘇米齋中善本多插架鐵贖如束蔗襄陽詹山兩軍立壁  
上諸侯觀者怕跋之我敢守東垣罵者皆誅原不罵

周別駕詩

河決考城再決儀封南下勢如虎歸德當其衝郡守出別駕留  
戊戌之閏廿九日別駕馳野心口謀護城隄接沈公隄調集夫  
役併力修七月朔漏三下河伯將至丞尉怕護隄七門以次塞  
萬命如絲依別駕越五日河伯來鼃鼃觸隄門不開蟻房糞穴

涓涓飾別駕出錢拯民餓三夕唇隄堅可賀隄外鳧鷖男女浮  
別駕登城淚交墮四筏八角分救之何止全生萬千箇入城人  
衆市閉苦飢發粟平糶別駕哺之別駕貧且瘠一心兩手作保  
障參身洪流存艱險氣力兼併千夫強別駕名墮身姓周一生  
名宦傳中州天生孝子作循吏縱筆自喜文詞道老拌心力教  
歌舞得不償勞相續未嘗曠平心似鐵咲聽秋娘唱金縷周  
別駕吉安人字伯譜

病中柬彭衣春侍講

半閒打頭屋一个信天翁家判貧交累官微老欠通債城高募  
避詩竈火難充膈氣空朝饑依然守固窮

五月廿六夜夢中作

七載徧五嶽此心殊了然苔雲雙屐換衣翠一筇偏八柱不可

見六鼇應有權道流相識盡自覺滿塵緣

湛若洗硯池銘拓本

庚子

手鑿四尺碑大書洗硯池碑字揚來雪磊磊池水瀉去雪瀾瀾  
文人之硯勇夫劔寶惜磨淬不少離我雖未見湛若硯風標義  
烈夢見之右握夜泉石左抱南風琴典衣購奇器愛古而賤今  
中書提兵守城郭螳臂力盡如枯蟬臣心如石硯豈壞臣魄不  
死絃有音可憐海雪堂中鼎彝觚觚付一燼但餘浴墨之水一  
勺竊以深天生畸人亦何用但成忠義之名山嶽重生擎海國  
師襄舟死主炎荒明福洞覃溪學士有古癖持節朱方訪遺跡  
摹來蟬翼挂簾泉縣向官齋吐虛白畸人靈氣游戲嶺海中生  
前百事雲煙空硯焚琴碎不可考此搨設設吹天風

硯旁銘曰天風吹夜泉

長毋相忘漢瓦歌

吳中記珠斯張氏所藏

賈生痛哭諸陵改炎漢山河同瓦解尺土遷移屢換人流傳片  
瓦今猶在瓦形團團如魚鱗考工埴埴泥沙均土崩石爛變桑  
海瓦全留此隨人珍沈初明死悲陵谷通天臺下無人哭銅仙  
十二且飄零舊社邱墟俱已屋君臣夫婦恩愛長幾人富貴毋  
相忘誰盟帶礪泐鼎券却範土礫承檐梁功臣盡誅美人死玉  
碎紛紛宮苑圯涼風只在殿西頭故劍前魚都已矣唐陵宋寢  
相繼亾一炬豈但燒阿房碎君此瓦君勿怒三十六宮瑤艸荒  
君不見漢宮雨滴梧桐落檐溜淒淒同劍閣何似茅椽覆土階  
雕牆奚取圍榱桷

文信國琴

吳中何氏所藏

四尺枯桐七條玉中有包胥萬聲哭琴曲誰聞集杜詩紀事悲  
吟指南錄破家結客起義兵夜遁京口逃空坑隨身襍被且無

有航海莫共成連行青原操縵心骨摧一彈再鼓天地哀謝  
杜澣不復侍響隨竹石崩西臺太古遺音存正氣瓌漆長留  
相字君不見漸離之筑司農芻千載流傳同寶器吁嗟乎斷  
斑剝空撫摩不共齒髮埋山阿松風夜戰海濤立柴市魂歸向  
嗚吧

十二月十九日東坡生日翁學士招集蘇齋瞻拜遺像  
分得南字

元豐五年公年四十七生日出游懷抱酣長笛飛聲被江水似  
有鶴趁飄風南紫裘烏帽李進士歌詞風格如何擬平生遷謫  
亦何有醉醒取適顏無慚迄今六百又八載乃有學士蘇齋龕  
臘日爲公介眉壽瓣香清酌辭喃喃客十一人共揚觴酒龍龕  
虎紛雄談雪壁周遭挂遺像山谷伯安石田西河竹垞坐立肩

差參此樂希有我及見婪尾滿吸寧辭食蘇齋主人詩老覃嗜  
蘇嗜米遙情慙前身定解弄橫竹今世下筆行飢蠶東坡不死  
壽無量白雲鄉爲停龍驂

晤李約庵作二首

辛丑

嬾著歸田錄仍乘出峽艘一官比雞肋萬事等鴻毛涉遠心原  
苦當歌氣益豪輪君行卷富猶瀉浙江濤

十畝藏園地花畦藥砌仍簾遮昏壁畫夢翦夜闌鐙去去行方  
急栖栖愧未能夕陽人影薄五十厭飛騰

題周令青在迎窮圖

五窮咲別韓退之不知主者復有誰陰風冷霧相扶持爆竹響  
處行委蛇紗帽欄衫官絕癡室如縣磬無餘貲開門拱揖磬折  
施五君主我勿更疑衆鬼顧盼同咲嘻官才拙矣數未奇閭閻

百里多膏脂何不吸髓留毛皮珠玉錦繡嬌老妻良田美宅授  
爾兒或遭誅極侵奪其且樂斯須饜飢宜官曰否否語爾知窮  
爲善士福之基忽富忽貴歲月馳終歸貧賤逃者稀不若五君  
長在茲免我兒孫境界移柳車艸艇焚勿遲主賓相倚顏怡怡  
請看卿相籬沒時眷屬不于垂涕洟五君變相慘嗟咨錢神運  
去何人隨

喜晤查榕巢方伯二首

絳節朝天赴 帝畿新銜藩伯有光輝皇華祇覺期程迫文燕  
應憐故舊稀到處標題鐫石壁多年傳唱繡弓衣重來接葉亭  
邊過手植丁香已數圍

冷署浮沈廿四年霜痕漸覺點華顛辭羈終謝三升豆買棹欣  
承五萬錢轉戰蠶叢收瑣甲銘功劒閣憶飛鳶期公開府洪都



去應導兒童拜錦韉

自題觀河面皴圖四首

一條衣帶碧粼粼廿載川涂劇苦辛  
卻咲東坡同水手此生何止略知津

阻風中酒慣銷魂指點蒼茫記纜痕  
那及家鄉釣游處桃花紅過第三邨

旅困相如久倦游秋來定買潞河舟  
江湖不少魚羹飯歸臥藏園綠隱樓

聽雨孤篷少日身中年須髮漸如銀  
爐震骨相山林臉不是乘風破浪人

疊韻再題四首

曲岬委蛇淺縠鄰一回披卷一酸辛  
五湖空闊扁舟穩不識人

閒有要津

還鄉水引夢中魂  
留滯燕臺漬酒痕  
我有園林勝圖書  
城南雞犬自成邨

滿壁滄洲供臥游  
無多行李上輕舟  
藏書幸有兒孫讀  
歸去重開萬卷樓

空許平生稷契身  
何須班管別金銀  
誰憐閒卻經綸手  
喚作雕蟲篆刻人

送朱滄澗

文瀚

舍人假還新安

因君簪筆日憶我  
少年時禁月橫雞  
樹官花壓鳳池仙  
郎低綠鬢老史拂  
霜髭送別寒郊外  
難爲旅客思

迎鑾隨豹尾獻賦直  
綸扉官燭名花繞  
熏籠侍史圍微雲

才子墀綵服舍人衣  
蚤速還朝駕母多  
戀釣磯

邀同年陳東浦觀察小飲二首

三十年前兩少年，鬢絲重對曩茶煙。  
籌邊昔遇蕭何餉，按部今垂祖逖鞭。  
蜀道險隨名宦轍，雪山寒透舊時氊。  
據鞍難掩英雄氣，詩筆猶操下水船。

頭銜中外感分途，垂白依然一懦夫。  
名士自來同畫併，中庭已各失慈烏。  
悶然椽燭將垂視，歸臥荒園可織蒲。  
一語期君持節鉞，哀矜常是學陽膚。

題沈南雷

世燾

禮部田家泥飲圖

碌碡場寬面欄阿，茅檐風日自清和。  
雞豚社小觥籌別，桑柘陰濃咲語多。  
雜坐喜參消暑飲，拍肩爭唱飯牛歌。  
有田不去如江水，走馬蘭臺奈爾何。

題李約庵課耕艸堂圖

人生至樂寧有此五十歸田賦知止半生名宦祀洞鄉遂服初  
衣返鄉里渝州山水天下奇就中君去翦茅茨萬卷圖書千斛  
酒爛醉老習當年池龍洞之峰鬱然秀子弟俱來抱經就祭酒  
應師尹道真束修同拜譙天授可憐我亦孺落人低頭屢空三  
十春秋風挂席載妻子魚羹飽腹安長貧訪爾青城出三峽向  
平累盡孤筇挾有田宜作課耕人種秫唯須同荷鋤

懷人詩四十八首

身披一品衣詩具八斗才九旬白太傅靈光照台階吳下屏風

閒處處圖洪崖

錢文端香樹先生

貯腹三萬卷是爲真狀元玉尺三十載所薦徵淵源栖神返躔

次耿耿奎壁閒

總憲金檜門先生

儀曹宰相才惜哉兩爲令遙知百世下青編傳治行劃然進止

開道力何其勁

袁叔論禮部守定

手折五鹿角，睨視輕張湯。萬里奉檄去，所過垂甘棠。老著牧民

書藉以調陰陽

張切庵太守甄陶

賈生美風儀

廷對乃第一，持衡舉賢才。朱絃理瑤瑟，死爲瀛

洲神，尙抱文昌筆

吳雲巖侍講瀛

管子天下才，學可任富強。用之文字閒，桑孔而班揚。相如病渴

死，竟老溫柔鄉

饒善齋侍講學曙

澹然無欲者，手執一卷書。生意滿濼谿，窗艸寧用除。講學中田

開春風扇徐徐

陳凝齋進士道

作詩效李白，使酒比灌夫。萬點朔風淚，進退皆窮途。一瓊斂黔

婁李蔡，嗤庸奴

汪魚亭廣文聊

才子生將門，一代能有幾。詔賦白玉樓，斯人憔悴死。蜀魄不可

招焱論究何指

傷子載明經原

伏几字雲集手鑄秦漢文不解世俗書擇術知所尊卒爲聖人

徒虞庠安其魂

然于唐廣文大構

淡逸酷阮憐力學得其養負耒田疇闢誦經聲琅琅寡營慎交

游心部太邛廣

益于胡布衣

高文冠禮閣翰林而御史翻弼亂書堆恬然對妻子談兵如怒

虎老作窮官死

胡牧亭侍御絕冊

視母點蒼山省父翳無間三十成進士匹馬頻馳驅孝子兼循

吏怨魄隨臯魚

李鐵崖縣令敬齋

壯氣壓萬夫殺人一咲閒讀書遂著書吸酒如飲川彎弓將一

軍號令眞如山

徐椒林參將紹

園林圖畫中一官如脫屣著書等身軀門集天下士有兒萬事

足礫礫視餘子

袁子才翰林枚

涉海拔鯨牙投響擊腰鼓探花虞褚倫腕力拓強弩隨身有竿

木日對江山舞

王夢樓太守文治

通倉長爪人慄悍文章固富貴不可知已矣中人壽無兒守燧

書遺編屬誰有

高東升孝廉文照

鮑謝作讓黃卅年得一郡江山入畫本天籟傳其韻有子儀

虞廷亦見文章邈

江子九太守恂

鄉舉第一人仕蜀二十年出入兵馬中不廢誦與絃五十秉節

鉞畫像留諸壘

陳東浦觀察泰滋

張良若處子誠勇不可當羌渾呼父兄赤子依耶孃可憐生塵

甌逐歲愁空曩

吳善備刺史璣

天遣縹緲人去爲奉檄官州縣事易了根棘困鳳鸞李泌有仙

骨終戴惠文冠

陶秋山刺史淑

班爛露文彩俯首官儀曹車栖馬如狗飲酒猶能豪齋志芙蓉

城宋玉將誰招

戴豹春澗部文登

瞻星弔文人爲君發長歎平生冰雪文埋沒塵沙閒弁山長冬

青孤雲空往還

沁心齋太僕復亭

癡鄉三十年錦詩徧巖壁榕巢住仙官胥吏無從覓露冕看詩

翁撫字多勞績

查詢叔方伯禮

詩人解墨綬乃具波斯眼獨泛眞珠船手拓陶朱產牛肉白酒

缺是爲天所限

程荊南臣令夢相

一代楊關肉蕭然大方伯入海誅鯨鯢持戈擊貪墨平生霹靂

手念彼金剛力

譚贊亭方伯尚忠

才更仕不終藏書仍上峽師門買山錢豪矣歸裝壓狂歌望青



天萬物皆可狎

李約庵邑令天英

傾家北海尊垂老艱一飯郭璞葬江心神術天輒蹇爲我指牛

眠隨翁歷高巘

謝西堂州倅逢泰

生爲柱下史沒作遮須王據案把判筆飛作輪迴霜九幽黑暗

獄時有奎星光

馮靜山先生給事

挺挺鐵中書盛氣鬪丞相文昌第三星秉鉞邊雪壯歸種萬竿

竹芳塘釣春漲

趙雲松觀察興

尙書領度支督漕九州喜河流濯溶溶俎豆分祠祀一裘三十

年視國如家事

楊勳慈公清帥

翰林出華亭旬宣好風采覆物布陽和千里春雲藹天邊奏迦

陵旌旗迎少宰

世宗之少宰典

班馬登明廷著作推大雅不建文昌旌老調天廡馬鬪人且凋

帳公寧執鞭者

陳列山天漢兆崙

典郡御朱幡歸田築花墅快閣涵鏡湖高吟照尊俎酣睡我餘

堂裏憂烏篷舫

任虛泉太守應似

老迤雲中虬見首不見尾雄談驚四筵奇氣役諸鬼布衣傲王

公焉能跋珠履

進耕石布衣雲龍

長歌老越州詩集第八十會訪徂徠翁心折孫夫子其聲最和

平悠然循正始

劉豹君明經文蔚

食肉飛將軍裘帶乃都雅手橫丈八矛高咏何瀟洒他年寫凌

煙殺賊陰山下

寶文貽提督瑛

眼比溫嶠犀炯炯燭九幽密勿三十年經綸立勛猷胸有治安

策不藉裨謔謀

胡太虛中丞寶琬

漢吏真無華友愛如溫公彈琴宰名縣教化同文翁七十縣車

歸人稱邴曼容

向蘇邴先生德一

雷霆畏其膽負重肩益高治事用五官強弩定力操四十卒官

解惜哉人中豪

張素邴觀察紹渠

行不達所學官未稱其才洞達天人理去掌森羅臺汴泗交流

聲泠泠爲君哀

林承政兵馬師

使爲吏部郎遽奪西清筆手定邴陽志文獻存其實苟偃患頭

疽斯人有斯疾

史思嚴吏部珥

崑峩獅豸冠鳴鳳當朝陽跨鶴來揚州十醉平山堂罡風折梧

桐去隨鷗鷺

魯白蟬侍御贊元

新安大布衣笙山遺一叟衷中薊艸詞詩人情性厚忘年及余

交遺篇傳萬口

吳鏡秋布衣雲炯

手握太極圖汀州遺一翁腳下萬里路堂堂太史公平生懷古

詩唱徧旗亭中

汀州黎質存布衣良德

殺賊艸露布健兒好身手老作洪州氓杖挂葫蘆酒醉舞都盧

幢尙作獅子吼

楊鐸仲宣慰振素

風味賈浪仙形容李長吉客死公車閒響絕鄒陽律步虛隨注

楊各掌三霄筆

何鶴年孝廉在兩

風流立朝彥此是神仙人一第屢躡躡觸手雲山新漢廷用文

才孺子寧長貧

注劍潭國子端光

### 後懷人詩十八首

霜雪滿朝簪重與瓊林宴八十老宮簷金臺畫團扇廿載素雲

飄頹矣靈光殿

黃真圃宮詹叔珠

乘槎張博陸正笏中屠嘉琉球每入覲螭頭認袍花身如指佞

艸獬豸能觸邪

大司馬周海山先生

孝子施行馬心如章貢清纂組三朝事芝龕唱秦青揚靈作水

仙招魂向吳城

黃恒嚴觀察榕

萬手攀朱輪羌人同一哭歸臥九龍山捫此便便腹詩版鐫

珏玉齒鏗然讀

顧晴沙廉使光旭

太史今扁鵲手活千百人去賣韓康藥兩衷籠陽春芒屨編黃

山采芝若車輪

曹毅屋編修城

陳平美丈夫蚤充琬琰貢列戟湖山閒笙歌宴賓從先人迎陵

詞歌之下鸞鳳

陳望之觀察淮

天子談文章嘉爾司農善持衡歷吳越采盡東南箭名士生同

時竊附相如傳

彭三稱侍郎元瑞

破岡產一士中年瘞黃土有子讀父書小兒楊德祖氣盛片

剛低首陳同甫

汪洛川孝廉汝淮

斯籀識禹書其文特幽奧逃儒談虛空頗害先師道可憐彭季

子長齋與同調

羅臺山老服有高

油油濟世懷噓氣爲陽春孩養桑梓人倉廩排魚鱗子產衆人

母氣象醇乎醇

陳約堂員外守論

同學白玉山一蹶乃不起當隨石曼卿咲折芙蓉死腹痛西山

庵手拂青鸞尾

程舊湖秀才頌

種樹得榎楠廣蔭郡邑閒五馬游滇池咲飲廉讓泉門將桃李

花使君好容顏

孫坦園太守思庭

好奇樊宗師顧曲周公瑾愁眉唱紅裘廉潔師楊震拯溺救萬

民一夜彫青鬢

周伯諧郡丞城

日下傳彈文出爲黃州守轉運青齊鹽運解當官綬辦香祀歐

會其文亦可壽

羅旭莊都轉道春

手縛臺灣酋番婦來牒拜卅年無一椽甚矣官人介冰銜寫判

官咲解鵝裘賣

譚穆庭判官

力每當大任手散萬黃金四海納懷抱獨存菩薩心騎魚撇波

去咲撫成連琴

曾谷瞻明經湖

地獄多變相怕入斯人眼畫筆壓當世寒餓猶難免前身花之

僧法輪聊一轉

羅兩峰山人聘

奇氣奔長虹復見辛稼軒拔劍斬馬橋天河瀉灑泉荷峰一千

仞鐵骨同巋然

離垢居士

續懷人詩十九首

文昌騰光輝盛朝福壽臣八十健如鶴丸丸松栢身三吳畫仙

翁人瑞占星辰

彭芝庭仙書

萬頃波融融光風泛崇蘭物在長養中于人無不愜是為吉祥

佛福海無驚瀾

表文遠尚書曰

侍郎大宗師誨人能不倦文章作鑑治五金同一鍊茅堂蔽風

雨老共南山健

蔣希元侍郎元益

直如朱絲繩清同玉壺冰表正無不正吏局皆有恒源澄流乃

潔民氣陽和蒸

李幼川中丞湖

中丞清且和春江暖瀾漫育育武昌魚樂國游潏潏文章見經

濟坐言行匪難

鄭謙基中丞大進

巍科康對山直節李崆峒關節不能到孝肅將母同用以作人

鑑庶幾明而公

王偉人侍郎杰

二十黃岩令手築黃岩開長隄截奔濤蛟龍不敢狎馮唐老爲

郎崢嶸掌選法

劉幹齋吏部世祿

一咲黃河清使民得其所敷歷藩臬司母固亦母我真儒用樸



誠爲政斯能果

歐陽蘭畦方伯示祺

三十冠玉姿一麾而出守歐公治頽譜跬步獨能守閭閻佩黃

犢家家力田畝

蔣半仲太守熊眉

書生謀水利河潤六千畝遂賣負郭田簞瓢枵腹守至今黃栢

坂年年書大有

胡簡麓秀才師楷

飛書州檄才足爲朝廷重翰林使作郡未竟文章用中年乞鑑

湖風月扁舟送

平唯濟郡丞聖臺

毛玠揚清風汾陽屏聲仗耿耿忠孝心時洒鐙前淚燕寢凝香

時獨存周孔思

閔峙庭中丞鵬元

孤介如伯夷孰獨如陽城閉目踞酒座兀傲如彌明焚詩啜茗

率纒室梅檀馨

冀一足布衣夔

靈端驟風雨日對青山哭枕中鴻寶書繞室逡巡讀游仙善卷

洞朱顏騎紫鸞

孤鑿及公子女

一刺興國州旋典廣信郡可憐總河孫白頭于我嬾佳句瘞空

山鬼唱刁騷韻

浙大干太守樹椿

短李富文詞二十登瀛洲枯槁受天械公子同囂囚妖邪由人

與召仙何所求

李衣山編修頌

平原信陵籌其人生也晚才略范少伯三治千金產大夫隱子

籩尙具知人眼

吳百藥侍講鎮元

刺史從兵戎詩筆銳如戈殉國木果木奈彼將軍何盾頭墨未

乾誰作昭忠歌

吳鑑南知州鎮

解組營牢盆力可治財賦咲騎揚州鶴江壻狎鷗鷺天語及臣

家舊城讀書處

泰西岩觀察贊

樂卷二十五

忠雅堂文集卷二十六

詩二十六

鉛山 蔣士銓 心餘

論詩雜詠三十首 壬寅

老女既不嫁機上弄七襄騎屋吹鐵笛肯爲時世妝魚龍欲起舞天地相爲昂 巖巖

手開萬鈞弩霸才原不世老死隆中廬中原幾人帝試登大將

壇叱咤風雲氣 劉青田

朱絃而疏越一倡而三歎自發清廟音舒卷雲霞爛昇平才子

詞不待躋秦漢 李東陽

徑尺無瑕璧未雕而早碎若使貢明堂自是琮璜器笙鶴凌虛

遊尙少真人氣 高青邱

峩峩空同山俯視意不屑如何干將鋒竟爲補履餓對山能救

我終愧凌霄節

李空同

信陽俊逸人中帶，含風流口吸金掌。露清氣乾坤留老子，侶韓

非畢竟非同儔。

何大復

優孟盛衣冠，白發蛟龍吟。吹笳白雪樓，不是黃鍾音。蓋棺論乃

定暴雨非商霖。

李于鱗

公安倡邪說，竭力攻異端。可憐無識徒，隨波揚其瀾。鬼伯主瑜

珈長夜嗟漫漫。

袁公安

蹒跚驅與蚤步趨，苦躑躅角蚊睫間。老死黑暗獄，詩人談竟

陵無藥能醫俗。

鍾伯敬

荒山鳥啁啾，假託鸞鳳音。借其老憊姿，媚我嬋媛心。鄙哉二布

衣，何似昭文琴。

程松園

旌旗壁壘中，亦復陳俎豆。海圖合波濤，曲折移舊繡。請看烈婦

姿不是閨房秀

陳大樽

猶存漢衣冠風采稱長者泚琴有遺音謾謾松風瀉試從海上

游不失成連雅

宋荔裳

蘭麝繞珠翠美人在金屋若使侍姬姜未免修眉蹙唐賢臨晉

書真意苦不足

王阮亭

譚龍語誠妙氣象當過之驟鼠入牛角邊幅窘可嗤推崇馮定

遠故多阿好詞

趙秋谷

一代蘇辛詞鐵板銅絃響漫登詩人壇做帶千金享駢儷簇春

旗不是天龍仗

陳迦陵

位高而金多勢盡艸木腐誰謂靡靡音不畏雷門鼓附庸稱子

男亦自列茅土

朱綸津

玉齒發金聲妙手操錦機仙方出嶺海孔雀東南飛醉寫虎邱

壁竒氣何淋漓

陳元孝

自寫輪囷心遂等鉤輅語創調別唐宋格律焉能圍秋墳鬼鳴

鳴其聲雜風雨

倪鴻寶

宛雅推祭酒亦非蓋世英儒生設旗門究非李郭營絮絮而喁

喁壯士難爲情

施愚山

崑崙桃花魚二語予以傳輟管視全豹亦是尋常斑漁洋贊遊

洋宏獎何其寬

吳天章

三十二應相欲學觀自在惜非貴重人在現優施態仰首遊臺

佛始自悔狡獪

查初白

早修皮陸詞晚入昌黎派得失能自知深造爲晚蓋五律師杜

陵老成亦堪愛

朱竹垞

餽飭織古錦方幅特板重鈍根學神仙天馬終難控遂節寫修

篋可便集鸞鳳

屬太鴻

古雅含光輝  
彝鼎陳廟堂  
靡寧發遐想  
玉質而金相  
文質其彬

彬越人斯有章

商賢意

隨園法香山  
善道意中語  
照影葶蘿村  
况復嫺歌舞  
麻姑弄狡

獒旁有方平觀

戲才子

力舉韋陀幢  
大戰修羅兵  
殺賊艸露布  
早請終軍纒  
黃馘老曠

下何處立勛名

楊鐸仲

阮生哭路館  
江湖入淚眼  
自揮危苦詞  
呼吸商聲滿  
置之郊島

閒此意誰能遣

注雅謔

珊瑚步虛聲  
語帶凌雲氣  
妙悟發天機  
樂府高岑嗣  
如何白玉

樓卻要先生記

楊子職

洗伐求神仙  
久絕煙火食  
三山縹緲閒  
被服真官飾  
誰憐西江



社自此宗風息

何德年

珮玉而瓊瑤翩然貴公子裘馬亦復都相如美容止置之大雅

堂唐音尙鏗爾

顧晴沙

固原新樂府五章

癸卯

張打邪 懲妖巫也

龍神不聽風雷使却聽馬甲作行止秦人不知繁露法手布甘  
霖憑馬甲馬甲本是無賴人吞刀吐火作龍神妖由人興事竟  
有風伯雨師歸一身州囚脫械來行雨公倅禽之加錐楚咲縛  
乖龍四十鞭龍神逃竄囚無語官乃登壇默致詞真龍滿天雨  
淋漓邪不勝正馬甲散官能打邪百姓歎君不見西門沈巫河  
伯鱒吏目乃是打邪官

破毒碑 除腳匱也

官吏甘心作五毒蛟鬻公行萬民哭民車盡官車官驢盡民驢  
有錢買放去官字驅車趕驢來趁墟此錢何名曰腳價作何誰  
與在官利賣鞍焚軸免當差十次官差無一次張公切齒髮上  
衝恨官賊民力窮日發文書四五封州府司院請命同上司  
準此除虐政解毒從茲救民命萬民爭立解毒碑車作歡聲驢  
淚垂

閻氏女 完人節也

翟家娶婦閻家嫁女花筵賓客洞房前簫管聲和卮共舉哭聲  
不是尋常聲就中官爲側耳聽窮究婚姻得其故擲楮大罵四  
座驚馬三之妻豈可奪羅敷況耻桑中約寬爾鞭笞罰聘錢反  
踏天河半橋鵲馬家忽見死央飛翟氏空房咲變悲扶植人倫  
官有爲有爲不在官崇卑

趙秀才 平冤獄也

赭衣囚首蹲堦下劇盜誰何秀才也秀才手無縛雞力身無破  
空翮頭髮髡三寸鼻涕長一尺焉能爲盜拒伍伯徧體銀鐙餘  
骨立妻來棗夫餽子來牽耶衣人鬼關門但一紙死生呼吸微  
乎微倅州者誰張傅心目光炯炯秦鏡臨秀才無罪解縲絏縱  
囚歸理書與琴明日街頭縛真盜秀才痛哭千人咲可憐覆盆  
之下豈無人焉得陽烏同一照

別固原 紀去思也

然香提響城西路男婦如雲共奔赴固原亦是古陽關官去官  
來誰與顧萬人萬手攀張公請官飲我琉璃鎮官民本自不相  
識往往官民比仇敵惟官說去民哀哀似與官人有親戚半栝  
眼淚半栝酒眼淚雖酸酒醇厚此生未必再逢官願飲此栝增

福壽瓦亭公宴來催促官民依依同一哭吁嗟乎君不見狄道  
州中楊典史官是耶孃民是子骨肉之親當遠離安得將愁變  
歡喜

爲陳約堂題大西洋師子圖

聖朝萬國來梯航西洋謹獻百獸王上表稱臣阿豐素本多白  
曠陪臣將天主降生一千六百七十四年三月十七日乃是康  
熙戊午當秋陽 大清龍光被屬國永懷尊敬臚職方冠冕集  
觀景進門雷電目閃百步光劒齒山鼻距鉤鏤方頤鬣額毛毳  
裝建初安息貞觀康居兩入貢外此文犀天駟旅葵白雉先後  
來明堂 聖朝本不寶異物王會一一圖縑細

聖主臨軒顧之咲上林靈囿歸

仁皇師子自隨麟鳳至臣服視此同戎羌當時制府舒祿穆氏

阿爾稗工畫龍虎風雲翔圖之志之傳厥裔翰林博明恭弄藏  
把示陳君作臨本一洗畫苑形模荒我聞佛據師子座寂然不  
動諸魔降有時一吼八維震氣撼地軸搖天綱古佛降魔先降  
師子起何必力大如金剛

漫興

智短嗟何及金多壽不延高臺香履散二十八嬋娟

張瘦銅舍人屬題倪文正遺像

越州我昔式公閭鏃本我曾校公書體用具足風骨殊卒以大  
節捐臣軀福清賢相公且避三年不見庶常刺中官之紙肯濡  
豪逆案三陳見封事清客宰相如沙蟲仕進豈受人牢籠請復  
書院辨偽學乞取要典投祝融朝廷豳卯賊滿地籌餉司農竭  
心計襟臧一悅心已定再拜朝衣遂臣志於戲端人已貶黃石

齋焉能大用劉念臺拜公遺像重哀涕公裔猶存一秀才

題畫二首

三十六峰青天門夜未扃曉鐘穿樹出仙鹿倚雲聽客到巖花  
咲龍歸壑水腥西巒湧晴雪開列水精屏  
孤寺亂峰西雲深路欲迷僧衣鋪遠坂仙珮落前溪盤翠斜通  
鳥疏泉渴飲霓客來尋虎迹扶杖上丹梯

綿潭山館十首

葆真堂

萬象各起滅一真自千古鄙哉作僞人應物中無主云何是神  
仙精氣神斯聚

初庵

吁嗟天何言六經肯饒舌下及著書家相襲成勦說一唾箭鋒

機以默為寸鐵

翠香閣

峯巒鬱蒼蒼松栢挺謾謾  
鼻觀能受之誰能領  
粉馥可憐粉黛圍無人享清福

莓徑

迷陽在荆棘托足苦無所  
尋幽屐齒稀仄路繡秋雨  
欹斜竹葉文獨鶴自來去

律素書屋

守素恃萬卷架分甲乙籤  
廿年老蝨魚腹果意亦厭  
一瓶許人借不待東家拈

嘯雲樓

擘絮搏烟霏一嘯迹何有人  
倚百尺樓俯視皆衣狗不若  
貯壘

中歸來結虛牖

蓼陽茨室

水蒨穗垂垂面面低  
茅齋驅逐習苦蟲  
養我當秋懷依稀岸上  
舟屋小真如蝸

息軒

端居絕紛擾萬物不能動  
轉輪作勞薪苦被希夷弄  
槁木抱春心不必爲時用

待月簃

黃昏招之來犯曉遣之去  
照我白玉栴不辨蟾與兔  
我欲看我影光滿陶然處

澤花腴菜井

灌蔬與澆花卉養而不窳  
輓轡臥銀牀一葉飄梧桐  
我心無波



瀨俯窺將毋同

後續懷人詩十八首

正氣焚淫祠視民如子弟講學油幢間閭知孝悌韓范自千  
秋不借繩繩裔

陝格門相公宏謀

堂堂賢相子三十官小宰甚矣汲黯黷指佞言堪駭放廢終邱

園屋賣簞瓢在

田退齋少宰懋

朱顏官侍中身爲國殤裔風流羊叔子儒雅存英氣聞警看吳

鉤欲策臨清騎

保礪堂將軍泰

詩人轉淮漕胸懷納江海人稱碧眼胡彝鼎留光采手揮十萬

金怡怡對真宰

李再未聞帥州

真儒宰來安飢鴻變馴鴿下考逐陽城殘書壓歸棹老著原道

蕭六經旨彌約

韓公復邑令夢周

從軍帥露布兵潰中書死詩卷存英風靈爽昭忠祀庸庸爲令

僕斯人竟傳矣

趙損之舍人文

治民龔黃賢赴義黃育勇平居說經義妙語含生動誰編循吏

傳名豈文章重

王理堂世合光煥

便便行祕書不勝翰林官父老戍樂陵歸去承親歡人稱薛夫

子掩卷興長嘆

薛補園編修子廷

才大不願官一貢咲而去小試鴟夷手千金豈能聚翱翔三吳

閒栖息終何處

丁人可明經湘館

狀元建油幢

帝無西顧憂論詩契妙旨辨賊稱壯猷身披一品衣疑是李鄴

侯

吳秋帆中丞沅

學者治彝陵做法鄉先生上官咲其迂歸無田可耕年年出謀

食名宦如斯成

林平園邑合有席

少賤而壯貴赤手捕長蛇煩劇典大州觀者咸歎嗟孝友出天  
性族黨無飢雅

魯渭川刺史漢

海嶽書畫船乃在名宦齋吳越三十年稱此磊落懷柳州非謫

地待彼文章佳

舒廣寧太守希忠

孝廉竹緣坡瀟洒捧檄遊嶺右覓丹砂賀縣三年留家難未波  
及倉卒歸陵邱

彭景之邑令倚華

中書陳平姿歷任皆能勝提兵殺西羌歸作大中丞挂笏點蒼

山獨守壺中冰

劉竹軒中丞秉恬

治行稱無華但與民休息從父寄官箴不遷徵定力解紼臥甌

山維賢乃家食

金備南邑合泗

傷哉廉吏子盡鬻貧家書誰歸母子觀白下無先廬迴思客齊

州念母同啼噓

徐燕藻秀才徵孫

其文通見神遂精術數學可憐好秀才老乘臨江鐸  
開深盃自斟酌

能傳石廣文之理

雜感十九首

百丈牽我用風浪亦難平篙師雜歡笑中有估客驚千古一條  
水攪擾無時寧道神且相戲往復悠悠行

兩畦小麥熟次第畢婚嫁灼灼紅羅襦粲粲銀釵挂老牯眠綠  
陰竊喜鞭笞謝租吏迴怒噴雜坐柴荊下一咲飽雞豚持錢滿  
腰袴

日瘦樹影薄土屋八九閒門柵無一具主人去未還老妻拾敗  
薪炊煮依牛欄牛飢物無乳艸苦不可養回頭羨羣羊游戲從  
其獮

我無治生策況乏經綸手心力竭詞賦唾餘嫻什九言逢飲博徒不許文挂口語塞氣復結伎倆等烏有百事且拋棄不如一

杯酒

狗屠可爲友牛僧亦訂交俗子不可耐避之如鴟鴞所言勢位重趨走不懼勞豈徒枉尺尋得者誠秋豪轉移事父兄天爵誰同要

管寧與華歆其閒不容寸阜帽歸遼東九錫爲勸進苟以貧賤終誰能指瑕豐試之名利途其機祕亦僅

身亡婦人哭屍暴伶官葬豈爲君子乘可以觀所尙東漢重聲氣執紼千人相狎暱等吾朋志士端趨向

風雨來憂端百感茫茫集所更亦已多悲喜所從入少小開萬卷名字冠鄉邑得譽固不虞浩氣實難及持之四十年天械等

東瀛老矣無能爲蜻螭若蟲蟄

偶然逐鷓鴣擬戴髯牙冠欲語傷鸞澁卷舌天使殢悵悵歸井  
里卻掃園圃閒垂死作病夫論定如蓋棺修竹逢甘蔗嬉戲聊  
一彈

藏園富艸木四季交芳馨主人將歸來欣欣有餘榮就中冶蕖  
花可以制頽齡但使腰腳健酌酒不願醒一二戚友歡相與翻  
玉餅

我友汪與楊墓艸久已宿思之不可見執卷向天哭埋憂入地  
下此恨無人贖揚靈天際頭乘雲吾亦足

我有七男兒其半已有文嶷嶷露頭角可以張一軍五孫比叢  
桂吐蕊各含芬生理頗稱足無可事耕耘伸此而細彼其故亦  
難云爾曹恃毛錐幾時立功勛

世廢井田制士乃無恒產雖有經綸才苦爲天所限人事苦紛  
紜而我御以簡但能免飢寒終日開咲眼花開酒正熟呼兒召  
親弗

百本醉芙蓉爛然張錦屏老夫坐花叢左右皆娉婷素面得酒  
紅入夜相亭亭何取十二釵嬌我分尹邢

千朵玉茗花開時若晴雪橫斜上簾櫳老翁愛其潔有時吹玉  
笛不免助芳悅喚作臨川翁法曲相嗚咽古人不見我此趣向  
誰說

形影相贈答兀坐如枯禪天女散花去玉齒爲粲然架上萬卷  
書旨趣三十年嚼蠟亦寡味文字煩語言丹砂良可服可以駐  
朱顏

夢得鐘鼎書詰曲不可讀道士顧我咲古篆滿胸腹求仙有丹

梯望之可投足雲霞繞衣裳欲往歎迷復修鍊三世身不如眠  
穩鹿雖犬在虛空飛昇亦其福

百仞蒼玉屏中載列仙籍誰披宮錦袍云是李太白金支翠旗  
開游戲文章伯云有蒼頡翁古碑爲篆額樹之蓬萊宮永垂真  
學宅

長生有靈藥難覓不死方綠鬢垂過耳邂逅沈侍郎手中玉牒  
文金籙紛琳瑯示我姓與名眷屬多吉祥玉女步虛來身騎白  
鳳凰咲啟照世杯沆瀣盛天漿

舟中雜興八首

麥隴連畦秀沿邨餅餌香聞雞知午至卷幔得風涼省事渾醒  
夢因緣學坐忘欲尋江味永喚客鬪旗槍

此是還鄉水津長滾滾流行藏雙雪鬢婦子一歸舟道遠途經



注心安病骨瘳隔林青  
旆小含咲問滄州

打鼓迎來筏鳴金避去舟  
風柔片帆正浪急一篙浮轉粟馳津  
吏傳籤走督郵客船停斷岸  
三宿苦淹留

喧闐邨落外寂靜夕陽中  
入饌收魚子充薪積馬通菜羹分乞  
可米價問兒童比戶炊爨接今年  
歲事豐

社廟香爐絕田家報賽荒  
易錢猶有布食稻幸無蝗岸闌期  
栖  
敵倉虛鮮宿糧晝長遲午飯一粥且充腸

澆書憑濁酒攤飯恃繩牀  
五兩風常逆三千路苦長深栢酬節  
序熟睡過年光須鬢看全白  
躊躇卻老方

舊書緝又徧往事憶俱空  
歲月翻忘老平生托諱寤浮家常作  
客看鏡已成翁歸去詞麤就淵明之食同

尚餘窮乏者借潤到簞瓢  
自浙矛頭采因分釜底焦朝飢韭花

帖宿飽老僧餐辟穀寧無術仙人尚可邀

漫興十一首

糴米人歸市持錢客趁墟  
筠籠剖文蛤絲網出刀魚  
社散雅衙肉秧齊  
叟荷鋤柴門老妻待繩戶上鐙初

船艙寬八尺揖讓足盤桓  
習禮陳儀簡談詩逐字安  
諸孫羅俎豆幼子爍衣冠  
只此當兒戲鐙前興未闌

識字疑難過譚元與義中僕  
新猜語誤婢點剪鐙頻不寐  
前愆省方人古詔循倫常多苦  
趣所在看參辰

曉算添衣便年衰怯嫩寒  
川涂防感觸眠食要平安  
邸報傳聞過家書邂逅看  
不知新病減細數藥艱難

萬事俱拋擲箋疏食憲章  
魚鮓隨意買蔬筍過時嘗  
冷淡逢邨市郵籤報水鄉  
濯纓殊未便吾欲問滄浪

省識佳山水圖之當臥游菊花時命酒楓葉最空秋新膾從人  
斫深梧對影酬醉中天空闌老矣復何求

豆棚堪雜坐濁酒對花斟樵牧來從便雞豚會可尋邨間知事  
簡俗厚畏人深野菜堪生食無煩漉釜鬻

糧般銜尾至邪許接聲呼挂席煩津吏攤錢戲闌夫鬻蠻僧賣  
藥酒薄女當壚門徑誰家僻屠沽取醉無

佳日愁難破華筵醉不辭更番腰鼓韻十索女郎詞渴後呼盤  
露酣來舞柘枝留連亦無奈歌管故遲遲

說鬼荒唐甚無稽最可聽不知爲嘯語似見走精靈月地花留  
豔陰房火獨青曲中人已去虛說玉瓏玲

年華頗惆悵塵劫苦難完落絮因緣比搏沙聚散觀有情根本  
鈍速朽道途寬識相皆無著虛空細與看

風日二首

風日清和四月天蒲帆一片破空懸堤干芳草青時合邨向平  
林綠處圓落絮幾團驚宿蝶游絲千尺繫飛鷺卻教歸客添遙  
思翹首東風一悵然

詞賦江關庾信愁千霄筆秃寫繁憂名心入世無多取生事于  
人復寡求後日憑誰營丙舍老來嬾復築菴裘墓田隨在青山  
好不用登臨樂此邱

送陳岸亭之官太和二首

芝山風月幾回新七載肩隨老弟昆愷悌原爲古循吏廉能纔  
是讀書人陽城下考催科拙召父高名撫字真爲政淵源尋治  
譜一狐裘驗在官貧

一榻陳書兩鬢絲沾泥絮厭散花時安心是藥原良法服氣延

生仗導師綠酒送君難共醉青山迎我是歸期皖公一點栢中  
見紗帽垂簾趣可知

婁妃墓

賢婦言多苦樵人不肯聽遺垢一坏在秋艸幾回青弔古心原  
共尋詩騎偶停水仙旂獵獵日暮自揚靈

北蘭寺

天闕訪疎鐘漁舟信可通寺荒春寂寂僧老佛叢叢逸事居民  
說遺詩壞壁籠虛堂異疇昔小似劫灰紅

述懷

甲辰

憶昔補書史恥與經生侔苦懷經濟心學問潛操修廿九道仕  
籍四載登瀛洲索米金馬門忍飢求豆區覩然人子心慷慨歸  
來休教授十五年二毛須鬢秋樂道頗相安序列賈董儔側聞

天子語許以名士優感激再出山宦海如沈浮二豎忽相見末  
疾醫莫瘳右體從此廢語言爲咿嚶三年支離身所欠土一杯  
故人難往復交親稀接酬卽今六十歲速死吾寧愁坐令觀物  
眼出入偕庭楸此心久厭世何取嗜好稠分知志節士天地妬  
其尤誓今從化去力與鬼伯謀他生免輪迴日與飄風游

齒落

顏色日以枯齒牙日以落左車無復陳空虛失城郭朝夕成饑  
夫涎沫滿齟齬老饜終日飢苦爲若敖若形等混沌死不待七  
日鑿曰舌親欺美酸鹹嗜好各不如辟穀翁吸露有真樂舌在  
亦何爲辯才無復昨

讀書

朝日一卷書夕日一卷書六十稱老生已非時世儒四庫旣涉

獵豈云腹空虛顧視七男兒或可分經畬資稟各有成未拙於  
豚豬我老坐兀兀通夜如鰈魚獨處寡酬和生趣已絕無厭此  
待盡身桐棺列庭除所歷亦既多曷敢怪其餘士無一知已相  
識嫌遽條我言非皇墳彼驚論唐虞童孫鮮知識問事堪虛胡  
蓋棺事則已識字寧非迂得酒自斟酌懷抱稍稍舒誰復計醉  
醒南山對踟躇

閒居

五十事閒散早已投簪裾築屋三十間所處已有餘繞身置圖  
史等器失擾鋤花木榮四時綠荷被新渠高柳聚時禽天籟韶  
濩如較彼卿與相腰笏勤走趨豈若芬馥中獨酌陳一壺賓來  
亦不迎淡談忘朝晡待盡庶幾樂形影聊相於

生理

生理有時盡異哉營石椁烏鳶與螻蟻何厚亦何薄血肉既歸  
土魂魄散寥廓仙佛等一死自許恒已錯天堂地獄中誰爲分  
苦樂未死已具知燎然自心覺

次韻答翁覃溪學士

神明無疾形骸疾二氣何從覘虛實兀然枯坐一匡牀舉眼空  
空生白室居士齒豁頭未童自幸今冬開六秩浮生如此亦惘  
惘但數春秋同庚蟀守過三庚似蔡經背有三玉慚李泌靜裏  
年光爾許長待盡之期尚難必左肘猶然弄不律漫擬龍門縣  
著述坐月幾窺星入井聽雨常看月離畢故人學士重交情寄  
我新詩若參朮手香不狻染黃柑負局何殊破朱橋迴意先生  
妙墨中真氣淋漓瀉箋帙游龍下視不能休縹緲驚鴻豈其匹  
我感涪翁有賞心真知十事九爲律過眼竊嘆鏗花喜窺戶新



晴鳥聲吉案側頻賡蟲語微屋角恒窺蛛網密土芋纔生大若  
拳浙竹初萌尖似筆酒柸易竭思聖賢蟹斲旋忘徵得失醉中  
答和倘蒙恕莫咲虎皮冒羊質